

KJKP "Park" d.o.o. Sarajevo

Na osnovu člana 257. tačka f) Zakona o privrednim društvima ("Službene novine FBiH", broj 81/15 i 75/21), čl. 43., 57. i 59. Statuta KJKP "Park" d.o.o. Sarajevo –prečišćeni tekst, broj: broj: P- 2802-3/21 od 31.08.2021. godine i Odluke Nadzornog odbora KJKP „Park“ d.o.o. Sarajevo, broj: P-02-2239-2 od 28.04.2026., Nadzorni odbor KJKP „Park“d.o.o. Sarajevo ponovno raspisuje

JAVNI KONKURS ZA IZBOR I IMENOVANJE IZVRŠNOG DIREKTORA ZA PROIZVODNJU I INŽINJERING I KAPITALNE INVESTICIJE KJKP „PARK“ D.O.O. SARAJEVO

I Predmet javnog konkursa

Raspisuje se javni konkurs za izbor i imenovanje izvršnog direktora za proizvodnju i inženjering i kapitalne investicije – člana Uprave KJKP „Park“ d.o.o. Sarajevo.

II Opis pozicije

Djelokrug Uprave je: organizovanje rada i rukovođenje poslovanjem Preduzeća; izvještavanje Nadzornog odbora i drugih nadležnih organa; predlaganje plana rada i poslovanja; priprema akata potrebnih za provođenje postupka nabavki i donošenje drugih akata koji nisu stavljeni u nadležnost Skupštine i Nadzornog odbora; predlaganje raspodjele dobiti i načina pokrića gubitaka; utvrđivanje strategije zapošljavanja i otpuštanja radnika u slučaju potrebe za novim ili ukidanja radnih mjesta; predlaganje makro i mikro organizacije Preduzeća i sistematizacije radnih mjesta; donošenje poslovnika o radu; donošenje cjenovnika roba i usluga; drugi poslovi neophodni za poslovanje Preduzeća.

Izvršni direktori Preduzeća organizuju rad, zastupaju i predstavljaju Preduzeće i odgovaraju za zakonitost poslovanja u obimu koji im odredi direktor Preduzeća.

III Mandat

Mandat izvršnog direktora Preduzeća je četiri godine.

Položaj, ovlaštenja, odgovornosti i prava izvršnog direktora uređuju se ugovorom između Nadzornog odbora i izvršnog direktora u skladu s važećim propisima.

Izvršni direktor i član Uprave poslovodnu funkciju obavlja u radnom odnosu na određeno vrijeme.

IV Uslovi za pozicije

Kandidati za poziciju izvršnog direktora moraju ispunjavati opće i posebne uslove:

a) Opći uslovi:

- 1) da je stariji od 18 godina i da nije stariji od 65 godina na dan imenovanja (dokaz: izvod iz matične knjige rođenih);
- 2) da je državljanin Bosne i Hercegovine (dokaz: uvjerenje o državljanstvu ne starije od 6 mjeseci od datuma izdavanja);
- 3) da je zdravstveno sposoban za obavljanje poslova na koje se prijavljuje (dokaz: potpisana izjava ovjerena od strane nadležnog općinskog organa ne starija od datuma objave konkursa);
- 4) da nije osuđivan za krivično djelo i za privredni prestup nespojiv s dužnošću u Upravi

- pet godina od dana pravomoćne presude isključujući vrijeme zatvorske kazne prije dana objavljivanja upražnjene pozicije (dokaz: potpisana izjava ovjerena od strane nadležnog općinskog organa ne starija od datuma objave konkursa);
- 5) da mu presudom suda nije zabranjeno obavljanje aktivnosti u nadležnosti Uprave (dokaz: potpisana izjava ovjerena od strane nadležnog općinskog organa ne starija od datuma objave konkursa);
 - 6) da nije izabrani zvaničnik, nosilac izvršnih funkcija ili savjetnik koji obavlja javne funkcije u institucijama vlasti (dokaz: potpisana izjava ovjerena od strane nadležnog općinskog organa ne starija od datuma objave konkursa);
 - 7) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije (dokaz: potpisana izjava ovjerena od strane nadležnog općinskog organa ne starija od datuma objave konkursa);
 - 8) da se na njega ne odnosi član IX Ustava Bosne i Hercegovine (dokaz: potpisana izjava ovjerena od strane nadležnog općinskog organa ne starija od datuma objave konkursa);
 - 9) da ne vrši funkciju u političkoj stranci (dokaz: potpisana izjava ovjerena od strane nadležnog općinskog organa ne starija od datuma objave konkursa);
 - 10) da nema privatni finansijski interes u KJKP“ Park“ d.o.o. Sarajevo (dokaz: potpisana izjava ovjerena od strane nadležnog općinskog organa ne starija od datuma objave konkursa);
 - 11) da ne postoje druge zakonske smetnje za obavljanje funkcije člana Uprave (dokaz: potpisana izjava ovjerena od strane nadležnog općinskog organa ne starija od datuma objave konkursa);
 - 12) Izjava kandidata da je saglasan da se njegovi lični podaci koriste do okončanja procedure javnog oglasa (dokaz: potpisana izjava ovjerena od strane nadležnog općinskog organa ne starija od datuma objave konkursa).

b) Posebni uslovi:

- 1) da ima završenu visoku stručnu spremu (VSS) ekonomski ili pravni fakultet, fakultet društvenog, tehničkog ili biotehničkog smjera (dokaz: ovjerena kopija univerzitetske diplome);
- 2) da ima najmanje 5 godina radnog iskustva (dokaz: potvrda ili uvjerenje poslodavca o radnom iskustvu sa podacima o nazivu radnog mjesta i vremenskom periodu obavljanja istih);
- 3) da nije predsjednik i član nadzornog ili upravnog odbora u privrednim društvima, institucijama, fondovima, agencijama ili komisijama (dokaz: potpisana izjava ovjerena od strane nadležnog općinskog organa ne starije od 6 mjeseci od datuma ovjere),
- 4) da je prošao ili se obavezao da će obaviti odgovarajuće usavršavanje u skladu s Uredbom o usavršavanju predsjednika i članova nadzornih odbora i uprava privrednih društava s učešćem državnog kapitala u roku od jedne godine od dana imenovanja na poziciju (dokaz: ovjerena kopija sertifikata o završenom usavršavanju od strane nadležnog organa komore ili izjava potpisana i ovjerena od strane nadležnog organa kojom kandidat izjavljuje da preuzima obavezu da obavi usavršavanje u roku od jedne godine od dana imenovanja na poziciju, ne starija izjava od 6 mjeseci od datuma ovjere)

Kandidati su dužni uz svojeručno potpisanu prijavu, koja sadrži kraću biografiju, adresu, kontakt telefon, e mail, priložiti originalne dokumente ili ovjerene fotokopije naprijed navedenih dokumenata.

Podnosioci prijava čije prijave Komisija ocijeni kao formalno-pravno neispravne neće biti uzeti u razmatranje u daljem postupku izbora, te sa istima neće biti stupano u kontakt. Kandidati sa kojima se ne stupa u kontakt u roku od 15 dana od dana isteka roka za podnošenje prijave neće se uzimati u razmatranje u daljem postupku izbora iz navedenih razloga, o čemu će biti pismeno obavješteni.

Kandidati čije prijave budu ocijenjene kao formalno-pravno ispravne i koji uđu u užu izbor bit će pozvani na intervju u roku od 15 dana od dana isteka roka za podnošenje prijave.

Kandidat koji bude ocjenjen kao najbolji na rang listi, dužan je u roku od osam dana od dana obavještenja o poziciji na rang listi dostaviti dokaze - uvjerenja nadležnih organa iz poglavlja IV a) Opći uslovi, tačke 4) i 5). Ako obavješteni kandidat ne dostavi tražene dokaze u ostavljenom roku, neće biti imenovan i smatrat će se da je odustao od izbora za poziciju na koju je prijavljen.

Komisija zadržava pravo provjere svih podataka, izjava i drugih dokumenata kandidata.

Dokumentacija koju kandidati prilažu uz prijavu, a odnosi se na kandidate koji nisu ispunili formalno-pravne uslove javnog oglasa i ne nastavljaju konkursnu proceduru i na kandidate koji su ispunili formalno-pravne uslove javnog oglasa, ali nisu na prva tri mjesta na listi uspješnih kandidata, vraćat će se istima po okončanju kompletne konkursne procedure, a sve u skladu sa Zakonom o zaštiti ličnih podataka („Službeni Glasnik BiH“, broj 12/2025 od 28.02.2025. godine).

Ukoliko istu ne preuzmu, imenovat će se komisija za uništenje dokumentacije iz prijave kandidata.

Konkurs za podnošenje prijave ostaje otvoren 15 dana od dana objavljivanja u „Službenim novinama FBiH“, a isti će se objaviti i u jednom dnevnom listu u skraćenoj verziji, registru javnih oglasa Ureda za borbu protiv korupcije Kantona Sarajevo i na web stranici KJKP „Park“ d.o.o. Sarajevo.

Prijavu s traženom dokumentacijom dostaviti lično ili poštom na adresu: **KJKP "Park" d.o.o. Sarajevo, ul. Patriotske lige broj 58, s naznakom PRIJAVA NA JAVNI KONKURS ZA IZBOR I IMENOVANJE IZVRŠNOG DIREKTORA ZA PROIZVODNJU I INŽINJERING I KAPITALNE INVESTICIJE- NE OTVARATI –**

Napomena: Na koverti ne naznačavati lične podatke (npr. ime i prezime, adresu, broj telefona i slično.)

Broj P-02-2239-4
Dana, 28.04.2026.

